



**Secretaría FGTM**  
José L. Cabaleiro Fernández  
Luis Ksado 17 – Local 20  
36209 – Vigo (Pontevedra)  
Tel: 986227189  
Móbil: 630586804  
Web: [www.fgtm.es](http://www.fgtm.es)  
E-Mail: [jlcabaleiro@hotmail.com](mailto:jlcabaleiro@hotmail.com)  
CIF: V15149453



**XUNTA DE GALICIA**  
PRESIDENCIA  
Secretaría Xeral para o Deporte



## **NORMATIVA PARA OS CAMPIONATOS GALEGOS**

### **TITULO I**

#### **NORMAS XERAIS**

- Artigo 1.-** Para que un club ou entidade poida organizar un Campionato Galego, as solicitudes deberán ter entrada na secretaría da Federación cunha antelación mínima de 3 meses.
- Artigo 2.-** Os clubs que soliciten a organización de Campionatos Galegos, deben aportar tódolos trofeos en disputa.
- Artigo 3.-** O prazo de inscrición nos Campionatos Galegos deben de rematar, de ser posible, 15 días antes da celebración, no caso da disputa dun máximo de 2 campionatos simultáneos, e 20 días no caso de que se convocaran simultaneamente 3 ou máis campionatos.
- Artigo 4.-** Para poder inscribirse nos campionatos galegos é preciso ter licenza galega ou española en vigor, no intre do peche da inscrición.
- Artigo 5.-** Para a disputa dunha proba a inscrición mínima deberá ser de 4 equipos, 8 individuais e 8 dobres.
- Artigo 6.-** Se nunha proba non se acada o cupo mínimo, farase unha única proba xuntando masculinos e femininos.
- Artigo 7.-** En tódolos campionatos o 1º día disputaranse as probas de individuais e dobres, e o 2º día as de equipos, agás cando se disputen dous campionatos ao mesmo tempo.
- Artigo 8.-** Cando teñan lugar dous campionatos na mesma fin de semana, deben disputarse as probas de individual e dobres do de maior participación ou o de maior categoría e a proba de equipos do outro, o 1º día, e á inversa o 2º día, coa finalidade de que o Xuiz-árbitro aproveite mellor os recursos materiais e humanos.
- Artigo 9.-** Ningún xogador@ poderá participar en dúas probas de diferentes campionatos o mesmo día.
- Artigo 10.-** Os cabezas de serie de tódalas categorías, designaranse tendo en conta os rankings oficiais galegos, agás a proba de equipos absolutos masculinos e femininos, que se determinará pola categoría e a clasificación oficial nas ligas, no intre de facer o sorteo.
- Artigo 11.-** Na modalidade de equipos non se permitirá a participación con xogador@s de diferentes clubs, en ningunha categoría.
- Artigo 12.-** Coa fin de que tanto clubs como participantes sexan coñecedores de antemán do desenvolvemento dos campionatos nos que se inscriben, acordamos que o planing dos mesmos debe se-lo mesmo ao haber cupos de participación, polo que será o Comité Galego de Actividades quen dea as instrucións, de acordo coa presente normativa, aos Xuices-árbitros designados.
- Artigo 13.-** Os grupos serán preferentemente de 4 en individual e de 3 en equipos. Só no caso de que non se cubra o cupo se poderá facer algún grupo de 3 ou 5 en individual ou de 4 a 6 en equipos, de xeito excepcional, para unha mellor organización da competición.
- Artigo 14.-** Non se disputarán postos nas fases finais dos cadros eliminatorios.
- Artigo 15.-** Aplicaran-se os ranking do circuito galego en sentido estrito.
- Artigo 16.-** O número máximo de parellas de dobres será o equivalente á metade da inscrición individual, e o número máximo de parellas mixtas, será igual á inscrición feminina.



**Secretaría FGTM**  
José L. Cabaleiro Fernández  
Luis Ksado 17 – Local 20  
36209 – Vigo (Pontevedra)  
Tel: 986227189  
Móbil: 630586804  
Web: [www.fgtm.es](http://www.fgtm.es)  
E-Mail: [jlcabaleiro@hotmail.com](mailto:jlcabaleiro@hotmail.com)  
CIF: V15149453



**XUNTA DE GALICIA**  
**PRESIDENCIA**  
Secretaría Xeral para o Deporte



- Artigo 17.-** As probas de dobres masculinos, femininos e mixtos, disputaranse ao mellor de 3 xogos, ata chegar a semifinais en que se volverá a xogar ao mellor de 5 xogos.
- Artigo 18.-** Non se disputarán os terceiros e cuartos postos de tódalas probas.
- Artigo 19.-** Haberá trofeo para os 4 primeiros (campión/a, subcampión/a, e semifinalistas), en todas as categorías. Na modalidade de equipos, ademais do trofeo para os equipos, haberá medallas tamén para os xogadores/as.
- Artigo 20.-** Agás nas categorías benxamin, alevín e veteranos non se permite a participación de xogadoras en equipos masculinos. Na categoría alevín, se terán en conta as normas específicas.
- Artigo 21.-** As probas a convocar en tódolos campionatos serán: equipos masculinos e femininos, individual masculino e feminino, dobres masculinos e femininos e dobres mixtos.
- Artigo 22.-** Unha vez publicadas as listaxes e os sorteos definitivos, non se farán cambios, aínda que se comuniquen baixas que afecten a cabezas de serie.
- Artigo 23.-** Haberá que xustificar documentalmente as baixas que se produzan.
- Artigo 24.-** A Federación Galega resérvase dúas prazas para casos excepcionais e xustificados, que entrarían dentro dos cupos establecidos.

## **TITULO II**

### **CAPITULO I**

#### **CAMPIONATO GALEGO ABSOLUTO**

- Artigo 25.-** Disputarase unha fase de grupos na que participarán os equipos de Superdivisión, División de Honra, Primeira División e Segunda División, ata que sumen un total de 16 equipos masculinos e 8 femininos, de acordo coa clasificación na liga respectiva, no intre da convocatoria do campionato.
- Artigo 26.-** O sistema de competición é o de Copa do Mundo en masculino e feminino. Os equipos estarán formados por un mínimo de 3 xogadores/as, que deberán figurar no formulario de inscrición.
- A puntuación do equipo será a suma dos/as tres xogadores/as con mais puntuación.
- Artigo 27.-** Nas probas individuais os cupos máximos son de 48 xogadores e 24 xogadoras.
- Artigo 28.-** Ao igual que sucede nas ligas, un xogador, poderá ser inscrito nun equipo do seu clube de superior categoría, tendo en conta o status acadado en liga, non intre da disputa.
- Poderase solicitar sempre e cando sexa xustificada (lesión, convocatoria selección, asunto grave, etc.) e que decidirán o Xuiz Único ou o Comité de Competición do Campionato, que será nomeado e comunicado aos clubs participantes.
- Non se permitirá en ningún caso a inscrición de xogadores estranxeiros en equipo de categoría superior á que xogan en ligas nin tampouco a ningún xogador/a en equipo diferente ao seu, que sexan da mesma categoría.

## **CAPITULO II**

#### **CAMPIONATO GALEGO DE VETERANOS**

- Artigo 29.-** As probas a disputar son:
- 23.1.-** Equipos +40, +50 e femininos
- 23.2.-** Dobres +40, +50, +60 e femininos



**Secretaría FGTM**  
José L. Cabaleiro Fernández  
Luis Ksado 17 – Local 20  
36209 – Vigo (Pontevedra)  
Tel: 986227189  
Móbil: 630586804  
Web: [www.fgtm.es](http://www.fgtm.es)  
E-Mail: [jlcabaleiro@hotmail.com](mailto:jlcabaleiro@hotmail.com)  
CIF: V15149453



**XUNTA DE GALICIA**  
**PRESIDENCIA**  
Secretaría Xeral para o Deporte



**23.3.-** Individual +40, +50, +60, +65 e feminina

**Artigo 24.-** Os cupos máximos de participación nas distintas probas de equipos son:

**24.1.-** 16 masculinos en +40

**24.2.-** 16 masculinos en +50

**24.3.-** 8 femininos.

**Artigo 25.-** De non disputarse a proba de equipos femininos, os inscritos disputarán a proba de equipos de +50, agás petición expresa dos mesmos de participar na categoría +40.

**Artigo 26.-** De darse o caso de que tampouco houbera proba de +50, pasarían todos a +40.

**Artigo 27.-** De darse algún dos casos anteriores, para que un equipo de +50 ou feminino poida participar na proba de +40, deben inscribir un terceiro xogador/a. De non ser así, non poderían participar.

**Artigo 28.-** O sistema de competición é copa do mundo en +40, e corbillón en +50 e feminino.

**Artigo 29.-** Os equipos estarán formados por un mínimo de 3 xogadores en +40, e por un mínimo de 2 xogadores en +50 e feminino.

**Artigo 30.-** Os cupos máximos de participación individual son 48 nas masculinas e 24 na feminina. De non poder cubrirse o cupo mínimo nalgunha das probas, as inscritas xogarán na proba de +60, os inscritos en +65 en +60 e, estes, na proba de +50, e no caso hipotético que tampouco así houbera proba, faríase unha única proba con todos os inscritos, baixo a denominación de +40.

**Artigo 31.-** De haber menos de 8 parellas femininas inscritas, pasarían á proba de dobres de +60, e de non haber ésta, todos na da +50. O mesmo ocurrirá coas parellas de +60, e así sucesivamente.

**Artigo 32.-** A proba de dobres mixtos disputarase sempre e cando se dispute a proba individual feminina.

**Artigo 33.-** Á marxe das condicións anteriores, os xogadores tanto en individual, dobres, como en equipos, poden inscribirse nas probas de categoría superior.

### **CAPITULO III**

#### **CAMPIONATOS GALEGOS SUB-23, XUVENIL E INFANTIL**

**Artigo 34.-** Os cupos máximos de participación son:

**34.1.-** 16 equipos masculinos.

**34.2.-** 8 femininos.

**34.3.-** 48 xogadores.

**34.4.-** 24 xogadoras.

**Artigo 35.-** O sistema de competición é Copa do Mundo para equipos masculinos e Corbillón para femininos.

**Artigo 36.-** Os equipos masculinos estarán formados por un mínimo de 3 xogadores e os femininos por un mínimo de 2.

### **CAPITULO IV**

#### **ALEVIN, BENXAMIN E PRE-BENXAMIN**

**Artigo 37.-** Os cupos de participación serán os seguintes:



**Secretaría FGTM**  
José L. Cabaleiro Fernández  
Luis Ksado 17 – Local 20  
36209 – Vigo (Pontevedra)  
Tel: 986227189  
Móbil: 630586804  
Web: [www.fgtm.es](http://www.fgtm.es)  
E-Mail: [jlcabaleiro@hotmail.com](mailto:jlcabaleiro@hotmail.com)  
CIF: V15149453



**XUNTA DE GALICIA**  
**PRESIDENCIA**  
Secretaría Xeral para o Deporte



**DEPORTE  
GALEGO**

**37.1.-** 16 equipos masculinos.

**37.2.-** 8 equipos femininos.

**37.3.-** 48 xogadores en individual masculino.

**37.4.-** 24 xogadoras en individual feminino.

**Artigo 38.-** O sistema de competición de equipos será o Corbillón, cun mínimo de 2 xogadores/as.

**Artigo 39.-** Na categoría alevín, poden participar equipos mixtos (xogador e xogadora) no caso de que haxa só unha licenza masculina e/ou unha feminina no mesmo clube, que se encadrarán na modalidade de equipos masculinos.

**Artigo 40.-** Na categoría benxamín a competición e mixta, admitíndose tanto equipos masculinos, como femininos ou mixtos.

**Artigo 41.-** A categoría pre-benxamin, de convocarse, só se disputará en competición individual mixta.

## **CAPITULO V**

### **CAMPIONATOS PARA XOGADORES CON DISCAPACIDADE FÍSICA E INTELECTUAL**

**Artigo 42.-** O campionato galego de discapacidade física disputarase, de haber o cupo mínimo, nas modalidades de pé e cadeira, tanto en equipos como en individual.

**Artigo 43.-** De non haber cupo, a fase de equipos será única entre equipos de pé, cadeira ou mixtos (xogadores de pé e cadeira no mesmo equipo).

O sistema de competición será o corbillón, mínimo 2 xogadores por equipo.

A competición individual será na primeira fase en grupos e por eliminatoria na fase final.

**Artigo 44.-** O campionato de discapacidade intelectual, disputarase na modalidade de individual masculina e feminina.

**Artigo 45.-** Computarán os 3 mellores xogadores e as 3 mellores xogadoras de cada entidade, para o premio colectivo por equipos.

**Artigo 46.-** A participación é aberta para todas as persoas con calquera tipo de discapacidade, que deberán acreditar co seu correspondente certificado oficial. Tamén deberán posuír a súa correspondente licenza federativa ou licenza FEDDF, no caso dos discapacitados físicos, ou licenza FEDDI, no caso dos discapacitados intelectuais.

**Artigo 47.-** No caso de non posuír ningunha delas, poderase solicitar xunto coa inscrición neste campionato.